

Na osnovu člana 30. Uredbe o utvrđivanju uslova, kriterija i postupka za odobravanje finansijskih sredstava za pomoć u rješavanju stambenih potreba braniteljima i članovima njihove porodice na području Tuzlanskog kantona, ("Službene novine Tuzlanskog kantona", broj: 3/08, 10/08, 7/09 i broj: 02/1-41-8035/10 od 13.05.2010.godine ), Izvoda iz Programa korištenja bespovratnih novčanih sredstava za stambeno zbrinjavanje korisnika prava iz oblasti boračko - invalidske zaštite Tuzlanskog kantona u 2010. godini, broj: 15/3-14-7641/10 od 06.05.2010. godine i Odluke Ministarstva za boračka pitanja broj 15/1-41-8035-1/10 od 14.05.2010. godine, Služba za upravu, društvene djelatnosti, boračko-invalidsku zaštitu i zajedničke poslove općine Gračanica raspisuje

## **J A V N I O G L A S**

za podnošenje zahtjeva za odobravanje bespovratnih finansijskih sredstava za pomoć u rješavanju stambenih potreba branilaca i članovima njihove porodice na području Tuzlanskog kantona za 2010. godinu u općini Gračanica

u iznosima, po kategorijama, kako slijedi:

### **ČLANOVI PORODICA ŠEHIDA-**

POGINULIH BRANILACA, u ukupnom iznosu..... 67.500,00 KM,

RATNI VOJNI INVALIDI, u ukupnom iznosu..... 67.800,00 KM i

DEMOBILISANI BRANIOCI u ukupnom iznosu..... 135.100,00 KM.

### **I Korisnici prava**

Pravo na dodjelu sredstava po Uredbi o utvrđivanju uslova, kriterija i postupka za odobravanje finansijskih sredstava za pomoć u rješavanju stambenih potreba braniteljima i članovima njihove porodice na području Tuzlanskog kantona ( u daljem tekstu: uredba) imaju lica iz člana 1. stav (1) i člana 4. Zakona o dopunskim pravima branitelja i članova njihovih obitelji ("Službene novine Tuzlanskog kantona", broj: 3/07, 4/08, 9/08 i 13/09, ( u daljem tekstu: kandidat).

### **II Uslovi za ostvarivanje prava na dodjelu sredstava**

Pravo na dodjelu sredstava pripada kandidatu, pod uslovom da:

- a) nema riješene stambene potrebe na području Bosne i Hercegovine i da iste rješavaju na području Tuzlanskog kantona ( u daljem tekstu: Kanton),
- b) ima stalno mjesto prebivališta na području Kantona,
- c) ostvaruje prava iz oblasti boračko - invalidske zaštite u općini Kantona i
- d) posjeduju valjanu dokumentaciju za učešće po javnom oglasu.

### **III Ograničenje prava na dodjelu sredstava**

Pravo na dodjelu sredstava po uredbi nema kandidat koji je:

- a) nosioc stanarskog prava ili vlasnik stana na području Bosne i Hercegovine ( u daljem tekstu: BiH),
- b) koristio stan ili kuću u svojini, koji je odgovarao potrebama stanovanja, u skladu sa propisima koji regulišu stambene odnose, a svojevrijem je izgubio stanarsko pravo, odnosno svojinu na kući, teretnim ili dobroćinim pravnim poslom (sa ili bez naknade) ili je, bilo kojim drugim pravnim poslom otuđio (računajući i stambene objekte iz mjesta življenja prije rata), u periodu od 30.04.1991. godine do momenta podnošenja zahtjeva, u namjeri da stekne uslove za korištenje sredstava po ovoj uredbi,
- c) vlasnik porodične stambene zgrade, stana ili takav stan ili zgradu koji zadovoljava stambene potrebe, u skladu sa zakonom, posjeduje njihov član porodičnog domaćinstva, u skladu sa članom 8. uredbi,
- d) koristio donacije i sredstva za obnovu i izgradnju stambenih objekata, u prijeratnom ili sadašnjem mjestu prebivališta, i sa istim riješio stambene potrebe,

- e) bio korisnik nepovratnih sredstava federalnog, kantonalnog ili općinskog budžeta, dodjeljenih u svrhu stambenog zbrinjavanja, u iznosima predviđenim uredbom,
- f) vlasnik privrednog društva ili je to član porodičnog domaćinstva,
- g) na svojoj kućnoj listi naveo članove porodičnog domaćinstva sa različitim adresama prebivališta/ stanovanja, u odnosu na kandidata, kako u odnosu na kućnu listu, tako i u odnosu na podatke iz CIPS prijave,
- h) lice koje stanuje sa / kod roditelja i koristi stambeni prostor veći od prostora utvrđenim članom 8. uredbi i
- i) ostvario i ostvaruje mjesečna novčana primanja, po članu domaćinstva, veća od 35,1% prosječne neto plaće ostvarene u Federaciji Bosne i Hercegovine, u prethodnoj godini, prema podacima Zavoda za statistiku Federacije Bosne i Hercegovine, izuzev lica iz člana 12. stav (1) uredbi.

Član uže porodice u smislu uredbi, je bračni partner, vanbračni partner, djeca rođena u braku i van braka, usvojena djeca i pastorčad, shodno članu 3. Porodičnog zakona Federacije Bosne i Hercegovine ( «Službene novine Federacije Bosne i Hercegovine», broj: 35/05).

Članovima porodičnog domaćinstva, smatraju se članovi porodičnog domaćinstva, koji su mogli, ili mogu ostvariti prava po osnovu boračko - invalidske zaštite po Zakonu o pravima branilaca i članova njihovih porodica („Službene novine Federacije Bosne i Hercegovine“ broj: 33/04, 56/06, 70/07 i 9/10).

Pravo na sredstva utvrđena uredbom, nemaju raniji korisnici bespovratnih sredstava Ministarstva, po prethodno važećim Pravilnicima i Uredbi, kao i lica koja su pravo na bespovratna sredstva ostvarili po nekom drugom osnovu, u iznosu predviđenom uredbom.

Pravo na sredstva po uredbi imaju korisnici sredstava za subvencioniranje kamata na dugoročne stambene kredite korisnika prava iz oblasti boračko – invalidske zaštite, u visini koja je umanjenja za iznos subvencija kamata, a u zavisnosti od situacije, za koju je podnio zahtjev i ukoliko se utvrdi namjenski utrošak ranije doznačenih sredstava.

#### **IV Stambeno riješeni kandidati :**

Smatra se stambeno riješenim i nema pravo na dodjelu sredstava po uredbi:

- a) kandidat samac – koji ima stan, površine do 35 m<sup>2</sup>,
- b) porodica od 2 člana - koja ima maksimalno jednosoban stan, površine do 45 m<sup>2</sup>,
- c) porodica od 3 člana – koja ima maksimalno dvosoban stan, ukoliko su djeca različitog pola, površine do 60 m<sup>2</sup>,
- d) porodica od 4 člana – koja ima maksimalno dvoiposoban stan, ukoliko su djeca različitog pola, površine do 70 m<sup>2</sup>,
- e) porodica od 5 članova – koja ima maksimalno troiposoban, ukoliko su djeca različitog pola, površine do 80 m<sup>2</sup>,
- f) za svakog sledećeg člana porodice dodatnih 10 m<sup>2</sup>.

U smislu odredaba uredbi, smatra se stambeno riješenim, kandidat koji je vlasnik stambenog objekta sa minimalnim uslovima stanovanja, odnosno, čiji je bračni drug ili član porodičnog domaćinstva vlasnik takvog objekta, a pod minimalnim uvjetima stanovanja, smatra se prostor opremljen za stanovanje u kome boravi porodica, odnosno domaćinstvo.

#### **V Namjena sredstava**

Pomoć u stambenom zbrinjavanju, prema Uredbi, ostvaruje se dodjelom bespovratnih novčanih sredstava za:

- a) izgradnju kuće vlastitim sredstvima, uz posjedovanje uredne urbanističko – građevinske dokumentacije,
- b) kupovinu stana ili kuće, izuzev, kupovine od srodnika po krvi u prvoj liniji ( otac, majka, djed, nana i dr.),
- c) nadzidivanje kolektivnog stambenog objekta,
- d) objekat koji nije pokriven (pod pločom),
- e) zamjenu dotrajalih, oštećenih i uništenih građevinskih elemenata, uvođenje novih i

zamjenu dotrajalih instalacija, a koje imaju za cilj sanirati stambeni objekat u ruševnom stanju, koji kao takav nije uslovan za stanovanje (u daljem tekstu: objekat u ruševnom stanju),

f) dovršetak izgradnje uz izvođenje radova kojima se neuseljivi dio stambenog prostora dovodi u funkciju stanovanja (objekat koji je pokriven, ali bez ostalih unutrašnjih završnih i instalaterskih radova), u skladu sa članom 9. st. (1) tačka d).

Pravo iz tačke a) / d) / e) / f) ove tačke ima i kandidat koji je podnio zahtjev za legaliziranje bespravno izgrađenih građevina, prema Zakonu o uvjetima i postupku legaliziranja bespravno izgrađenih građevina.

#### **VI Prednost pri jednakom broju bodova:**

Ukoliko na rang listi dva ili više kandidata imaju isti ukupan broj bodova, prednost, po navedenom redoslijedu, imaju:

- a) djeca poginulih, umrlih, nestalih branilaca bez oba roditelja i RVI sa oštećenjem organizma 100% I grupe,
- b) porodica sa dva i više poginulih, umrlih, nestalih branilaca i RVI sa oštećenjem organizma od 100% II grupe,
- c) dobitnik najvišeg priznanja i odlikovanja,
- d) RVI sa oštećenjem organizma od 90%, 80% i 70%,
- e) porodica poginulog, umrlog, nestalog branioca i porodica umrlog RVI, porodica umrlog DB, sa malodobnom djecom, odnosno, djecom koja se nalaze na redovnom školovanju do navršenih 25. godina,
- f) ostali RVI,
- g) DB bez redovnih mjesečnih primanja, kod kojih je utvrđena nesposobnost za rad i privređivanje,
- h) kandidat sa dužim učešćem u OS BIH,
- i) kandidat sa lošijom stambenom situacijom,
- j) kandidat sa lošijim imovinskim cenzusom i
- k) kandidat sa većim brojem članova domaćinstva.

#### **VII Visina sredstava**

**Iznosi sredstava koji se po uredbi mogu odobriti su:**

- a) izgradnja kuće.....do 18.000,00 KM,
- b) kupovina stana ili kuće. ....do 12.000,00 KM,
- c) nadzidiivanje kolektivnog stambenog objekta.. ....do 12.000,00 KM,
- d) objekat koji nije pokriven (pod prvom pločom)..... do 12.000,00 KM,
- e) objekat u ruševnom stanju .....do 12.000,00 KM i
- f) dovršetak izgradnje uz izvođenje radova kojima se neuseljivi dio stambenog prostora dovodi u funkciju stanovanja (objekat koji je pokriven, ali bez ostalih unutrašnjih završnih i instalaterskih radova).....do 6.000,00 KM.

Izuzetno, od naprijed utvrđenih, može se odobriti i veći iznos, u visini do 10.000,00 KM, za rješavanje stambenih potreba RVI I grupe invaliditeta, djece bez oba roditelja koja se nalaze na redovnom školovanju i roditeljima sa dva i više poginulih boraca, a RVI 100% II grupe invaliditeta, djeci RVI i djeci DB, bez oba roditelja, koji su korisnici prava na porodičnu invalidninu, do iznosa 5.000,00 KM.

#### **VIII Dokumentacija na osnovu koje se vrši isplata**

Sredstva za namjenu iz tačke V podtačke a), c), d) i f) ovoga oglasa, mogu se isplatiti samo ako kandidat podnese urbanističko - građevinsko dokumentaciju ( rješenje o odobrenju za građenje), sa predmjerom i predračunom radova.

Sredstva za namjenu iz tačke V podtačka b) ovoga oglasa, mogu se isplatiti samo ukoliko kandidat podnese ugovor o kupovini stana ili kuće, od fizičkog lica ili pravnog lica, koji mora biti notarski sačinjen i obrađen, izuzev ugovora koji su sudski ovjereni prije stupanja na snagu Zakona o notarima, uz priložen dokaz o uplati minimalno 20% iznosa ugovorene kupoprodajne cijene stana ili kuće.

Sredstva za namjenu iz tačke V podtačka e), mogu se isplatiti samo ukoliko kandidat podnese dokaz o vlasništvu: kopiju katastarskog plana, posjedovni list i zemljišno knjižni izvadak, sva tri dokumenta kumulativno.

U vezi sa zahtjevima koji se odnose na legaliziranje bespravno izgrađene građevine, sredstva za namjenu iz tačke V podtačke a), d) i f), ovoga oglasa mogu se isplatiti samo ako kandidat priloži rješenje o naknadnom odobrenju za građenje, shodno članu 10. Zakona o uvjetima i postupku legaliziranja bespravno izgrađenih građevina.

## **IX Način isplate sredstava**

Sredstva odobrena za pomoć u rješavanju stambenih potreba branitelaca i članova njihovih porodica, poslovna banka isplaćuje kandidatu u dvije rate.

U slučajevima koji se odnose na situaciju iz tačke V podtačke a), c), d) i f) ovoga oglasa, prva rata kandidatu se isplaćuje odmah na način da se 50% odobrenih sredstava realizuje plaćanjem (pro) faktura za trebovani građevinski materijal. Preostalih 50% odobrenih sredstava isplaćuje se gotovinski u dvije rate, od čega ½ odmah, a druga ½ isključivo na osnovu zapisnika o utvrđenom namjenskom utrošku prethodno doznačenih sredstava, od člana Prvostepene komisije građevinske struke.

U slučajevima u kojima su bespovratna sredstva odobrena za situaciju iz tačke V podtačka b) ovoga oglasa, uplata odobrenih sredstava na žiro račun prodavca stana odobrava se na osnovu Ugovora o kupoprodaji, sa fizičkim licem ili pravnim licem koji mora biti notarski sačinjen i obrađen, izuzev ugovora koji su sudski ovjereni prije stupanja na snagu Zakona o notarima, uz priložen dokaz o uplati minimalno 20% iznosa ugovorene kupoprodajne cijene stana ili kuće”.

Kandidat kojem su odobrena sredstva za situaciju iz tačke V podtačka a), c), d), e) i f) uredbe ista će moći realizovati tek nakon potpisivanja ugovora u kojem će se regulisati da će se ista utrošiti namjenski za stambeno zbrinjavanje prema podnesenom zahtjevu i da se sa navedenim sredstvima kandidat smatra stambeno rješanim, uz obavezu kandidata da Službi podnese izvještaj o utrošku sredstava, najkasnije u roku do 30 dana od dana utroška istih.

Kandidat je obavezan da odobrena sredstva utroši u roku 180 dana od dana uplate sredstava na račun kandidata.

Kandidat kojem su odobrena sredstva za situaciju iz tačke V podtačka b) uredbe ista će moći realizovati tek nakon potpisivanja ugovora u kojem će se regulisati da će se ista utrošiti namjenski za stambeno zbrinjavanje prema podnesenom zahtjevu i da se sa navedenim sredstvima kandidat smatra stambeno rješanim, uz obavezu kandidata da u roku od 180 dana od dana uplate sredstava, dostavi dokaz, da je evidentiran kao etažni vlasnik u knjizi položenih ugovora ili u zemljišnoknjižnoj evidenciji, a ukoliko se radi o kupovini kuće, da je evidentiran kao vlasnik nekretnina, u zemljišnoknjižnoj evidenciji, izuzev u slučajevima gdje je predložen dokaz o kreditnom zaduženju ili direktnom udruživanju sredstava, kada je kandidat obavezan navedeni dokaz predložiti otplatom poslednje rate zaduženja.

U svim slučajevima gdje kandidat nije postupio po podnijetom zahtjevu i u utvrđenom roku opravdao doznačena sredstva, Služba je obavezna da na osnovu potpisanih ugovora, pokrene postupak pred nadležnim sudom u cilju povrata nenamjenskog utroška sredstava.

## **X Zabrana otuđivanja stambenih objekata**

Stambeni objekti, izgrađeni ili kupljeni dodjelom sredstava, po ovom oglasu, u suvlasništvu su svih članova porodice i ne mogu se otuđiti dok su članovi porodice maloljetni, odnosno najmanje 5 godina od dana realizacije sredstava.

Član uže porodice i član porodičnog domaćinstva naveden u kućnoj listi kandidata kome su odobrena sredstva, ne može se pojavljivati kao kandidat za dodjelu bespovratnih sredstava po novim oglasima Ministarstva.

U slučaju smrti kandidata nakon zatvaranja oglasa, odobrena sredstva se mogu isplatiti članovima porodičnog domaćinstva nakon provedenog ostavinskog postupka.

## **XI POPIS POTREBNE DOKUMENTACIJE**

**Dokazna sredstva ne mogu biti starija od šest mjeseci, a ista se prilažu u originalu ili ovjerenj fotografiji.**

Utvrđivanje određenih činjenica iz zahtjeva za pomoć u rješavanju stambenih potreba, vrše se i uzimaju u razmatranje onakve kakve su postojale u momentu - danu zaključivanja oglasa.

**POPIS POTREBNE DOKUMENTACIJE  
UZ ZAHTJEV ZA DODJELU BESPOVRATNIH NOVČANIH SREDSTVA NA IME  
POMOĆI U RJEŠAVANJU STAMBENIH POTREBA BORACA I ČLANOVA NJIHOVIH  
PORODICA**

**I OPĆA DOKUMENTACIJA**

Redni broj:	Naziv dokumenta	Organ koji ga izdaje dokument
1.	Dokaz o stambenoj situaciji : a), b), f) i g) – izjava ovjerenjena u općinskog organu	Općinska služba
	c) rješenje o alternativnom smještaju nadležnog općinskog organa	Općinski organ za stambeno komunalne poslove
	d) ugovor o podstanarskom odnosu ovjeren od nadležne porezne uprave,	Porezna uprava
	e) ugovor o namjenskom komercijalnom dugoročnom kreditnom zaduženju sa poslovnom bankom,	Poslovna banka
2.	kućna lista kandidat u kojoj su navedeni svi članovi porodičnog domaćinstva,	Općinska služba za opću upravu i društvene djelatnosti
3.	CIPS prijava, za sve punoljetne članove domaćinstva,	MUP
4.	uvjerenje iz MUP-a o kretanju za sve punoljetne članove domaćinstva koji su počev od prijeratnog mjesta prebivališta (30.04.1991. godine do sadašnjeg mjesta prebivališta lica koja su bila punoljetna na dan 30.04.1991. godine i dalje),	MUP
5.	dokaz o pripadnosti boračkoj populaciji – uvjerenje o plaćama pripadnika u OS ili drugo uvjerenje koje izdaje nadležni organ odbrane,	Odjeljenje odbrane
6.	uvjerenje nadležnog vojnog organa da je kandidat ranije demobilisan bez svoje krivice,	Odjeljenje odbrane
7.	za članove PŠ-PB, RVI i MVI kopija prvostepenog ili revizionog rješenja (posljednje rješenje na snazi)	Općinska služba za boračko invalidsku zaštitu
8.	dokaz da je održana ostavinska rasprava iza poginulog, umrlog ili nestalog borca ili dokumenti iz tačke 17.,18., 19. i 20. ovoga priloga	Općinski ili kantonalni sud Ili Organi utvrđeni tačkama 17.,18., 19. i 20
9.	Rješenje o starateljstvu nad malodobnom djecom bez oba roditelja	Općinska služba centar za socijalni rad
10.	dokaz o priznanjima u OS BiH	Odjeljenje odbrane ili organ koji je izdao

		priznanje
11.	dokaz o zdravstvenom stanju kandidata ili člana domaćinstva izdat od strane ovlaštene zdravstvene ustanove i stručnog tima - konzilijuma, ne stariji od šest mjeseci samo za sljedeća oboljenja: akutna tuberkuloza, maligna oboljenja, endemska nefropatija, stanje poslije hirurškog zahvata (srce), sva degenerativna oboljenja centralnog nervnog sistema, infarkt ( srčani ili moždani), oboljenje mišićnog sistema i paralize.	JZU UKC Ili Javna zdravstvena ustanova
12.	dokaz o zaposlenju svih punoljetnih članova domaćinstva i stalnim izvorima prihoda,	Organ /ustanova/preduzeće gdje je kandidat zaposlen
13.	uvjerenje sa biroa za zapošljavanje za sve nezaposlene članove domaćinstva, a ukoliko se ne vodi na birou za zapošljavanje uvjerenje iz poslovnice PIO/MIO	JU Služba za zapošljavanje, Općinski biro za zapošljavanje, Poslovnica PIO /MIO
14.	uvjerenje o redovnom školovanju djece,	Javne obrazovne ustanove
15.	uvjerenje iz porezne uprave da kandidat ili punoljetni članovi domaćinstva ne ostvaruje dodatne prihode,	Porezna uprava Tuzla Ispostave porezne uprave po općinama
16.	dokaz o učestvovanju i postizanju vrhunskih rezultata na evropskim i međunarodnim takmičenjima,	Organizator sportskog takmičenja ili Savez za sport i rekreaciji invalidnih lica FBiH
17.	uvjerenja o posjedovanju/ neposjedovanju nekretninana, za sve punoljetne članove domaćinstva (lica koja su bila punoljetna na dan 30.04.1991. godine i dalje), iz prijeratnog mjesta prebivališta (30.04.1991. godine) pa do momenta podnošenja zahtjeva (iz svakog mjesta prebivališta),	Nadležna općinska služba (službe za geodetske i imovinsko pravne poslove i katastar nekretnina)
18.	uvjerenja o vlasništvu / nevlasništvu nekretninana, za sve punoljetne članove domaćinstva ( lica koja su bila punoljetna na dan 30.04.1991. godine i dalje) iz prijeratnog mjesta prebivališta (30.04.1991. godine) pa do momenta podnošenja zahtjeva ( iz svakog mjesta prebivališta),	Nadležni općinski sud (zemljišno knjižni ured –gruntovnica)
19.	dokaz da kandidat i svi punoljetni članovi domaćinstva ( lica koja su bila punoljetna na dan 30.04.1991. godine i dalje) nisu otkupili stan po Zakonu o prodaji stanova na kojima postoji stanarsko pravo, iz prijeratnog mjesta prebivališta (30.04.1991. godine) pa do momenta podnošenja zahtjeva ( iz svakog mjesta prebivališta),	Nadležni općinski sud (zemljišno knjižni ured –gruntovnica)
20.	uvjerenje nadležne službe za poslove prostornog uređenja o posjedovanju / ne posjedovanju stana za sve punoljetne članove domaćinstva ( lica koja su bila punoljetna na dan 30.04.1991. godine i dalje) iz prijeratnog mjesta prebivališta (30.04.1991. godine) pa do momenta podnošenja zahtjeva ( iz svakog mjesta prebivališta),	Nadležna općinska služba (služba za stambeno komunalne poslove ili ovlaštena ustanova koja gazduje stambenim fondom na općini
21.	izjava da kandidat i svi članovi domaćinstva nisu vlasnici niti suvlasnici nekretnina na području BiH	Općinska služba za boračko invalidsku zaštitu

Kandidat obavezan je pored opšte dokumentacije iz tačke I priložiti i posebnu dokumentaciju neophodnu za odlučivanje, zavisno od vrste zahtjeva:

## **II POSEBNA DOKUMENTACIJA**

Redni broj:	Naziv dokumenta	Organ koji ga izdaje dokument
-------------	-----------------	-------------------------------

1.	izgradnja kuće / objekat koji nije pokriven (pod prvom pločom/dovršetak izgradnje - građevinsko – tehnička dokumentacija, sa predmjerom i predračunom radova	Općinska služba za urbanizam i građevinarstvo
2.	kupovinu stana - ugovor o kupovini stana sa izvodom iz knjige položenih ugovora, ne starijim od 6 mjeseci, a kojim se dokazuje da je prodavac vlasnik stambene jedinice koja je predmet kupoprodaje,	1. Ugovor sa fizičkim / pravnim licem 2. Izvod o vlasništvu (KPU) – Nadležni sud ( ukoliko se radi o ugovori zaključenim sa fizičkim licem)
3.	sanaciju objekta u ruševnom stanju: 1.kopija katastarskog plana, 2. posjedovni list i 3. zemljišno knjižni izvadak (sva tri dokumenta kumulativno).	Općinske službe za geodetske i imovinsko pravne poslove i katastar nekretnina ( za dok. 1.i 2) i Zemljišno knjižni ured -gruntovnica (dok. 3)
4.	Legaliziranje bespravno izgrađene građevine – rješenje o naknadnoj urbanističkoj saglasnosti	Općinska služba za urbanizam i građevinarstvo
5.	Nadzidiivanje kolektivnog stambenog objekta - rješenje o odobrenju za nadogradnju	Općinska služba za urbanizam i građevinarstvo

#### **ROK ZA PODNOŠENJE ZAHTJEVA:**

Zahtjev za odobravanje bespovratnih finansijskih sredstava za pomoć u rješavanju stambenih potreba kandidatima, po javnom oglasu za 2010. godinu, član porodice šehida – poginulog, umrlog i nestalog branitelja, ratni vojni invalid, član uže porodice umrlog ratnog vojnog invalida i mirnodopski vojni invalid, podnosi općinskoj službi nadležnoj za boračko – invalidsku zaštitu, u kojoj ostvaruje prava iz oblasti boračko - invalidske zaštite ili su ga ostvarivala do momenta smrti, a demobilisani branitelji i članovi uže porodice umrlog demobilisanog branitelja općinskoj službi nadležnoj za boračko – invalidsku zaštitu, na području općine u kojoj imaju stalno prebivališta najmanje godinu dana.

**Zahtjevi se podnose u vremenu od 20.05.2010. godine do 18. 06.2010. godine ( 30 dana od dana objavljivanja Javnog oglasa), neposredno ili na adresu: Služba za upravu, društvene djelatnosti, boračko - invalidsku zaštitu i zajedničke poslove Općine Gračanica, ul.bašeskijina broj 1, sa naznakom “Komisija za rješavanje stambenih potreba u prvom stepenu „ ( Obrazac zahtjeva se nalazi u Centru za pružanje usluga građanima Općine Gračanica – novi dio zgrade)**

**Nepotpune i neblagovremene prijave neće se razmatrati, odnosno rangirati.**